

الكاتب الصحفي أحمد عطوان يكتب : الشرطة تنهار من الداخل شاهد من أهلها



السبت 11 يناير 2014 12:01 م

نافذة مصر

وصلتني هذه الرسالة علي الانبوكس انقلها لكم كما وردت وهي من عميد بالشرطة وسوف أحجب اسمه مؤقتا كما طلب مني السلام عليكم ورحمة الله

عارف انك صحفي شاطر وأتابع صفحتك من فترة طويلة وأتابع مقالاتك واعرف انك من الإخوان المسلمين وقيادات التحالف الوطني لدعم الشرعية علشان كده أرجوك أن توصل رسالتي لكل قادة التحالف وطبعا أرسل لك هذا التنبيه من صفحتي الشخصية بالاسم والصورة حتى لا تظن أنني اقصد أي حاجة وحشة ولكن أرجوا عدم الإعلان عن اسمي حاليا واعدك إعلانه قريبا بعد سقوط الانقلاب

يا استاذ احمد إحنا بني آدمين برضه وبشر ولحم ودم زيكم بس والله العظيم مغصوبين علي أمرنا بس عاوزك تكون متأكد إن كل يوم بنفوق من الغيوبة لأنهم فهمونا انه لابد من الانتقام من الإخوان لأنهم حرقوا أقسام الشرطة وأذوا الأمناء والعساكر يوم ٢٨ يناير وهم سبب كل اللي حصل للشرطة في ثورة يناير

عشان كده كانت التعليمات أيام الرئيس مرسي عدم التعاون تماماً ولابد من إفشاله ونقول ملناش دعوة بالسياسة والنزول بقوة في ثورة ٣٠ يونيو وبعد الانتصار علي مرسي والإخوان كنا عارفين الخطة باعتقال كل قيادات الإخوان والتعليم علي ناس بعينها زي البلتاجي والشيخ حازم وعصام سلطان والبخاري وشوية العيال بتوع ٦ ابريل

لكن والله العظيم التعليمات كانت خالية من القتل أو التعامل بالرصاصة الحي ولكن فوجئنا جميعا بالتعليمات وكلها (سري للغاية) بالتعامل مع المظاهرات والاعتصام كلها بدون تفريق بين إخوان ولا غيرهم .

يا استاذ عطوان صدقني إحنا خلاص قرفنا وزهقنا واتعقدنا من منظر الدم كل يوم ومعظم القيادات بدأت ترفض التعامل مع المتظاهرين وبعدين لابد انك تعرف ان تلفيق القضايا للإخوان وبتوع المظاهرات جاية جاهزة من النيابة واحنا بنرفعها ثاني بس وفيها الأسماء والمحاضر كلها جاهزة وعلي بياض

ياريت توصل لقادة التحالف ان حاليا جزء كبير جداً من قيادات الداخلية الوسيطة ترفض حاليا المشاركة في قتل المصريين واعتقال الطلبة والمظلومين وفيه حالة غضب كبيرة لأننا مش عارفين المطلوب نفضل نقتل ونسجن في إخواننا المصريين لحد أمتي وعلي فكرة السجون اتملت كلها عن آخرها ومساعد الوزير لمصلحة السجون طالب ببناء سجون جديدة ولكن برضه المظاهرات شغالة يوميا

أسف علي طول الرسالة ولكن عاوزك يا استاذ عطوان تحتفظ برسالتني عندك علشان تكون شاهد امام الله والمحكمة أنني ارفض القتل والظلم ومعايها عدد كبير من الضباط الشرفاء ونرفض حاليا المشاركة في فض المظاهرات ولكن الجيش يغطي العجز والنقص بالمحافظات وللصراحة الأمن المركزي وحده يقوم بالتعامل ولكن كل ضباط وأمناء الأمن العام يرفضون المشاركة والتعامل بالرصاصة الحي أو دعم قوات الجيش

وأخيرا لازم تعرف إننا كلنا عارفين بان فيه يوم قريب لمحاكمة كل المشاركين في قتل المتظاهرين في الداخلية والجيش وإحنا شايفين الموجة جاية علينا ولكن يا ريت تكون المحاكمة لأفراد مش لكل الجهاز والشعب يرجع يعاديننا من ثاني .. ولاتزر وزارة وزر أخري

انتهت الرسالة ❌❌❌ الاله بلغت اللهم فاشهد